

庸金尚書奏議

七

庸盦尙書奏議

總目

京兆奏議一卷

清淮奏議一卷

大梁奏議四卷

三吳奏議二卷

兩湖奏議四卷

北洋奏議四卷

右共十六卷

德清俞陞雲編輯

荔波楊懿年

嘉善錢紹楨

貴陽陳瑜

平遠丁道源

平遠丁道津

邵陽魏允恭

會稽周穌鼐

桐鄉嚴震

烏程周文鳳校勘

姪昌琛參校

男昌豫錄稿

庸盦尙書奏議

卷之十三目錄

抵津接篆謝

恩摺

宣統元年十一月二十日

委派周學熙隨同籌辦開平礦案摺

宣統元年十一月二十日

查覆天津審判廳被參各款摺

宣統元年十二月初九日

本年順直災歉州縣來春分別調劑摺

宣統元年十二月十八日

創設補習學校先設小學補習科摺

宣統元年十二月十九日

代遞副都統豐陞阿遺摺並請卹摺

宣統元年十二月二十二日

遵旨核議北洋軍鎮改良辦法摺

宣統二年正月初五日

遵旨核覆籌設完全初級師範摺

宣統二年正月二十八日

籌辦要政大概情形摺

宣統二年二月十三日

裁并局所設立財政總匯處摺 宣統二年二月十三日

瀝陳下悃籲懇 恩准開缺摺 宣統二年二月十三日

籌辦北運河李遂鎮漫口等工摺 宣統二年二月十九日

乞病未允謝 恩摺 宣統二年二月二十日

元儒劉因學術精純請從祀 文廟摺 宣統二年二月三十日

籌辦開平礦案摺 宣統二年二月三十日

張鎮芳等請優加擢用片 宣統二年三月初十日

舉辦要政籌款爲難援案接辦公債票摺 宣統二年三月二十一日

查覆知縣趙巽年被參各款摺 宣統二年二月二十八日

庸盦尙書奏議卷十三

抵津接篆謝

恩摺

宣統元年十一月二十日

奏爲恭報

微臣

抵津接篆日期並瀝陳感激下忱恭摺叩謝

天恩仰祈

聖鑒事竊臣蒙

恩調補直隸總督兼北洋大臣並奉電傳

諭旨來京

陛見遵將湖廣總督任內一切事件交代清楚於十月二十八日乘坐火車起程北上趨赴

闕廷疊蒙

召見十一月十五日跪請

聖訓次日復蒙

召見

宸誨周詳莫名欽感

陛辭後馳抵天津於二十日准護理直隸總督布政使臣崔永
安派天津府知府黃昌年督標中軍副將韓廷貴齎送

欽差大臣關防直隸總督關防長蘆鹽政印信暨

王命旗牌文卷等件前來當卽恭設香案望

闕叩頭謝

恩祗領任事伏念臣猥以薄植累沐

殊施初膺京兆之符屢厯疆圻之寄巡行南國方慚莫贊夫

辰猷典守北門復荷

特頒夫

申命寄畀愈重報稱益難查直隸屏翰

上都領袖羣牧固洋務所交集尤憲政所倡行尊

國體則當慎外交順民心則務勤內治興學爲培才之本宜普
教育以牖新知理財爲幹事之原宜酌盈虛以籌要用以及練
兵察吏阜商勸工凡此大端莫非先務責任既較往時增鉅治
理尤視列省加繁方滋懼夫勿勝乃瀝辭而未獲臣惟有恪遵
聖訓勉竭愚誠持以虛心操以實力隨時隨事督率司道鎮將
認真辦理以冀仰答

高厚鴻慈於萬一所有恭報

微臣

抵津接篆日期並瀝陳感激

下忱緣由謹繕摺具陳叩謝

天恩伏乞

皇上聖鑒謹

奏

委派周學熙隨同籌辦開平礦案摺

宣統十年十一月二十日

元年十一月二

奏爲籌辦開平礦案派員隨同辦理以維權利恭摺仰祈

聖鑒事竊臣於宣統元年十月二十三日在湖廣總督任內接准外務部咨開十月十二日具奏開平等處礦務請

旨飭下新任督臣陳夔龍妥籌辦法一摺奉

硃批依議欽此鈔錄原奏咨行遵照等因臣抵京後復承准軍機大臣字寄十月二十九日奉

上諭有人奏開平礦案輾轉日久請飭新任總督慎密妥籌另行設法收回一摺著陳夔龍到任後按照所奏各節詳核原案體察情形妥籌辦理據實覆奏原摺著鈔給閱看欽此遵旨寄信前來臣查直隸開平礦局一案輾轉未結至今已及八

年歷經前任督臣暨外務部王大臣力與辯駁至再至三現奉諭旨飭臣妥籌自應欽遵辦理惟事關重要非有熟悉情形大員隨同籌辦仍慮難得要領三品京堂張翼係關係此案之員原難置身事外茲查有前署直隸臬司周學熙曾經總辦開平礦局有年於此案始末極爲明悉擬卽奏明派令該司隨臣妥爲籌辦臣當恪遵

諭旨督飭該員等詳核原案體察情形隨時會商外務部妥慎辦理以杜牽涉而圖挽救除分行外謹將派員隨同辦理開平礦案緣由恭摺具陳伏乞

皇上聖鑒謹

奏

查覆天津審判廳被參各款摺

宣統元年十二月初九日

奏爲遵

旨查明天津審判廳被參各節據實覆陳恭摺仰祈

聖鑒事竊查前督臣楊士驤任內承准軍機大臣字寄光緒三十四年十二月十四日奉

上諭有人奏京津審判廳弊竇甚多請嚴定章程慎選判員一摺著法部大理院直隸總督按照所參各節確切查明據實具奏並著嚴定章程力除積弊原摺均著鈔給閱看欽此當經飭司按照原參各節確切查覆並由司核議章程詳辦在案查原奏指參京師審判廳等案業經奉

旨特交法部大理院查明覆奏其何福興李桐豫冀州寇李氏

各案據升任按察使何彥昇逐一調查明確詳覆核辦等情前
護督臣崔永安未及核辦臣到任接交詳加覆核如原奏何福
興控喬振之侵蝕鋪款一案喬振之事後捏指欠款意圖反噬
疊經天津府審得確情嚴限清結洎有審判廳之設初尙平允
及廳員陳清濱邵孔亮因緣授受竟反前斷以押追之喬振之
竟釋而不問致其遠颺一節查何福興籍隸天津開設義興齋
鞋作坊並福興合雜貨鋪均係鋪夥喬振之經手與姚少琴所
開德義厚義生厚各錢鋪均有銀錢出入嗣因虧欠被德義厚
等鋪呈控經天津縣承審員候補知縣陳慶彬集訊飭令何福
興等清算各帳計福興合欠德義厚等鋪銀七千餘兩而何福
興卽以鋪夥喬振之侵吞鋪款具呈控追由縣移經商會指有

弊混喬振之堅稱商會偏袒與何福興先後上控並赴京控經民政部暨農工商部咨直飭發天津府訊追移由高等審判分廳委承審員卽用知縣邵孔亮審訊按照廳章仍由商會另派公正人到廳查明喬振之經手福興合出入各帳內有銀一萬兩款目混雜實有侵吞弊竇其福興合欠德義厚等鋪銀七千餘兩應在喬振之名下追交當將喬振之從嚴監追旋派候補知縣韓樹梅接訊據德義厚等鋪夥楊墨香以福興合應償銀七千餘兩經喬振之央人調處先交現銀二千兩餘款分期歸楚呈准將喬振之保釋嗣何福興又以喬振之乾沒鉅款控經民政部咨由前督臣楊士驤飭廳查訊派承審員候補知縣伍鈞因查喬振之經手福興合欠德義厚各款除前項鋪帳業已

處結外另借銀二千兩有立給德義厚借約可憑何福興因姚少琴等向索此項銀兩撥房抵款收回借約呈驗立約日期係在福興合歇業之後訊與何福興無涉喬振之查傳未到詰之姚少琴楊墨香僉稱喬振之借銀屬實其爲喬振之乾沒鉅款無疑應由喬振之歸償斷令姚少琴等退還何福興所撥房屋一面查封喬振之住房計原典價銀七百餘兩卽歸姚少琴管業尙短銀一千二百餘兩俟傳喬振之到案再行照追給領何福興等均各遵斷完案原參所指廳員陳清濱想係陳慶彬之訛惟陳慶彬係天津縣承審人員於何福興控喬振之侵款之事未經核斷其廳員邵孔亮審得確情卽予從嚴監追尙屬公允原參謂陳慶彬邵孔亮因緣授受竟反前斷實無其事又原

奏李桐豫在巡警局控曹劍秋侵吞銀兩一案初尙斷令曹劍秋歸還李姓一半後聞請託道員洪姓轉託總辦道員申姓諭令委員蔡姓斷以一千兩結案蔡姓當堂公然謂此係總辦分付如果不服另自控告此等讞詞適足令人恥笑李桐豫續行具呈反以抗不遵斷批飭一節查李桐豫籍隸天津縣前於光緒二十六七年間因曹劍秋之兄曹星橋包辦各項工程爲其經理一切不支薪水原議從厚酬勞未定成數嗣曹星橋包工致富得李桐豫之力居多李桐豫用過曹星橋銀一千兩洋一千元曹星橋言明日後仍給酬金嗣曹星橋故後李桐豫置地需款向曹劍秋借銀不允因曹劍秋坐擁厚資不知酬勞於三十三年三月間赴巡警總局呈控經局員正任獻縣知縣阮國

楨候補知縣蔡濟清等疊次集訊李桐豫曹劍秋供詞各執旋據商民陸宣王文濂出爲調處曹劍秋允給酬勞銀一千兩繳案存局李桐豫不願具領案懸未結現據天津高等審判分廳派委承審員候補知縣周寶辰何維彬訊明曹劍秋故兄曹星橋當時包辦工程李桐豫幫同經理並無合夥情事惟平日既無工資其欲曹劍秋厚給酬勞尙屬近情質諸曹劍秋亦謂論其前勞本應再行酌給卽據證佐高輔臣劉振廷調處令曹劍秋於前繳警局銀一千兩外再加二千兩共給李桐豫銀三千兩以作酬勞此外李桐豫與曹姓往來各帳概行作廢永斷葛藤其呈案有據之匯源永等各款均歸曹劍秋自行清理李桐豫等均各遵辦分別交領完案是李桐豫前在警局控追酬金